



C-49  
5






DIANAS



C-219

CIRCUS TAURORUM HISPALENSIS



MAGNUS TAURORUM CURSUS

LIBRARY

Cum supremi Provinciae Moderatoris permisu et approbatione ac hujus Urbis auctoritate praeside.

Dominica die 5<sup>a</sup> Augusti, horae quartae ictu vespertinae tempore non impediante

MAGNUS TAURORUM CURSUS EVENTURUS

Sex pulcherrimi formae tauri ex probatissimis armentis

HEXMI. D. D. EDUARDI MIURA

PUGNABUNTUR

A SOLERTISSIMIS ANTONIO MONTES et JOHANNI BACO (a) COSTRA, ab uniuscujusque turma constipatis.

TURMA MONTIS


TURMA COSTRAE

Primus Athleta.....Montes	Primus Athleta.....	Costra
1 <sup>us</sup> Pugilator lanceolator Mus	1 <sup>us</sup> Pugilator lanceolator	Ursus
2 <sup>us</sup> " Niger	2 <sup>us</sup> " "	Pictor
Mortifer spiculator	Currus	Miles
1 <sup>us</sup> Eques hastatus	Lepus	Vulpes
2 <sup>us</sup> " "	Rex	Vastator
Simia sapiens	Passer	Gallus

PRETIUM INGRESSUS: In numbra, 28 sestertia; Sub solis radiis, 18 sest-  
Porticibus altis, 40 sest - Porticibus demissis, 30 sest- Contra-  
repagulum 12 sest.- Militibus et pueris, medium pretii.- Signum  
mobile erit emptoris obligatio.-

N. B. Die praecedenti, sex tauri pascentur tertio ab Urbe lapide ad  
ripam Baetis sinistram, ubi commode conspici possint- Taurorum in-  
clusio ictu fulgentis aurorae praedicti diei 5<sup>i</sup>. Notum sit omnibus  
violentibus huic spectaculo interesse. Post ludorum initium, si  
quavis de causa finiendus sit cursus, societas pretium ingressus mi-  
nime reddere tenetur-Si quispiam taurorum sex ad pugnam inutilis fiat,  
quod fortuna avertat, vice ejus publicus alium exigere nequit. Haec  
ad effectus subsecuturos notantur.





CURSUS TAURORUM

CARMEN

*Præclarissimo Scriptori*  
*D. D. Joachin Karaña de la Rúa,*  
*in pignus amoris, dicatum.*

PANEM ET CIRCENSES

(Vox populi)

Taurorum ad cursum densae concúrrite turbæ...  
cunctos hæc vox exagitet nunc sparsa per auras...  
Cunctorum hæc faciat vox intus fervere corda  
Et genus evertat certe miserabile poenæ...  
Oh nimium jucunda dies... quo lumine fulget...  
Quam decus ætheris, quam nunc mollia rura nitescunt...  
Flosculus et crines lauro præcingere certat...  
Quam nunc flammigero Phoebusque temone coruscat...  
Purior et scatet illimis de fontibus unda...  
Quam silet omnis ager... quam surgit fróndibus arbor...  
Vultusque exhilarat taurini Martis arena,...  
Magnificæ pugnae tantummodo sufficit aurum...  
Intus pectora cogat opum furiosa cupido.  
Heu... nimis infelix, quem urget in rebus egestas...  
Lucrum nunc veniat, quanvis res foenore crescant.



(Immensus debentùm grex reperitur ubique).

? Nunquid dira fames hispanos oprimet?.. absit,

Circi nam tantum conspectu pascitur alvus...

Haec praeludia dicantur persplendida pugnae...

.....  
Nunc huc, nunc illuc ferventes undique gentes

Quadrijuges versant celeres in pulvere currus

Portantes opibus magnos, auroque potentes.

Huc júvenes, illuc longaevi hilaresque puellae

Gaudentes animis fundunt é gutture cantus,

Millia..io... magna voce... triumphé.. canentum.

Aethera pulsantur tanto discrimine vocum,

Insequitur sonitus plebis clangorque rotarum;

Voci lascivae miscentur verba triumphi;

Dum acribus implet equus magnas hinnitibus auras.

Tendit turba puellarum, quas foeneris omen

Opprimit, almis ornataeque monilibus auri.

Impavidi ecce viri alterius propriumque terentes....

An nonnullus erit tanta dulcédine egenus?

Oh, procul hoc facinus praemagnum tempus in omne....

An labor opprimit?... hic veniant poenaeque laborque....

Estne opus ingressûs ad ludos aera furandi?

Quis debitet?... licuit, quadrat, semperque licebit...

Fallere mille modis cunctasque inducere fraudes

Expedit... et medio turbarum adstare theatrum.

Atque videri ut pervigilans ad lumina custos,

Carceris hórrendum quamvis nos clauderet antrum.




Excelsus quos Circus nullaque protegat umbra,  
Ignivomi splendent flammae solis adurent,  
Dumque fluent roris salsae de corpore guttae,  
Exhilarant animos liquoris pocula Bacchi...  
Spes etiam solatur dein frigescere membra....  
.....

P R I M U S    T A U R U S

(BENEFACITOR)

En venit optatus pugnandi témporis ictus...  
Ecce patent dúplices peditumque equitumque phalanges....  
Undiquè Circi magnifici patet area gressu.  
Nunc videas equitem praecedere carpere clavem  
Quamque galero colligit, hâc volitante trifurco  
Cornigerum cryptam claudentem, praeside dante,  
Usus sic praeest, priscus deductus ab aevo.  
Ecce dari videas feralia classica signa,  
Buccinae en exhoritur strépitus clangorque tubarum  
Et viva amphitheatri Urbis compagine moles,  
Serica quem exornant vexilla coloribus iris...  
Voce manuque premit turbarum murmura praeses,  
.....  
E cripta rápido medium irruit ímpete taurus,....  
Ipsum oculis sequitur turba adstans ore silente.  
Corpore versicolor minitens est cornibus ingens,  
Saevit in aera ferox flansque é nasibus ignem,  
Cui nomen BENEFACITOR, pro herbis ruminat iras;  
Stat púgillis tauro obvius en generosus arena,




Induit et cor robore, corpus murice et auro.  
Palliolum dextra carpens, Circi artibus apta,  
Cornigeri pulsuque pedum tremit excita tellus  
Impetit, obtutu torvo, ardens fulminis instar,  
Quem solers inopino flexu fallere tentat....  
Milia io resonant et concutit aethera plausus,  
Prosiliunt equites, generosa hispana propago,  
Dextra portantes praeacutae cuspidis hastas,  
Circum lustrat equus, fulgentis lúminis expers,  
Praeceptis fertur in illum taurus, fronte minaci,  
Armaiger altor cervicem transfigere ferro  
Inspice, mixtum spumis ille vomitque cruorem.  
Ellicit et pécudis ad terram viscera taurus,  
Sanguis purpúreo indicat amplos tramite sulcos.  
Alter et alter inoffensi jugulantur equorum  
En pugilis coram taurinis cornibus audax  
Lanceolos geminos figit cervicibus alte,  
Queis mortem aufugiens exornat tempora tauri.  
Intrepidus pugilis sic cernitur alter et alter  
• Transvehit alter tauri audaci cornua saltu,  
Funeris absque timore ingenti stipite nixus.  
Janque tubae sónitus mortis luctamina monstrat...  
Prox pugilum plebs (circumlustrans) cernitur omnis  
Incedit púgilis primus generosus arenam,  
(Nómine MONTES cui natalis origo TRIANA)  
Et genibus procumbit terra praeside coram  
Versibus arte politis toto corde salutat....  
En tanti exemplar praeclarum carminis hujus;



Tibi salutem deprecor,  
Cunctisque circumstantibus,  
Taurum necare si haud queam,  
Caudam comae praeciderem

Laeva palliolum fert, ensem et dextera acutum,  
Nunc videas.... summo strepitu omnis murmure circus  
Hinc inde et ludens cervicem subjicit atram  
Tauri, pallioli motibus.... mirabile visu...  
Plebs subito surgit, pugnam visura ferocem,.....  
Incitat assiduis taurinam motibus iram,  
Infrenit et pedibus circensem spargit arenam,  
Impetit immitis praeclarum cornibus hostem,  
Aethere praefulget subito nunc mortifer ensis,  
Irruit..... et tauri gladium totum pulmone recondit....  
Exanimen prosterni taurum cernite et ipsum  
Jactantem ore cruorem athletae lingere plantas....  
Nunc tollit ferventes plebs ad sidera cantus  
Et plausu plebis commotae personat aether...  
Eduntur magnaeque hilari de pectore voces....  
Jubila cunctorum miscentur musicae honori....  
Magnus repletur circus denso agmine turba.  
Nunc videas pugilem juvenum stipante caterva  
portantes humeris praemagnam in pignus honoris  
Quemque decorat magno gratus munere Praeses,  
Laudes nam pugiles tam magni plura merentur.....  
Quadrijuges mularum tinnitu aera pulsant,  
Exanimumque cadaver queis raptatur arena,  
Signans purpureo taurinus tramite sanguis



T A U R U S 2us

" LAETUS "

Torrificis exit taurus mugitibus alter  
Sextus cui jam per vestigia solvitur annus,  
Quo viso, singultum cujusquam eripit omnem.  
Cornibus insignis, vario splendore colorum,  
Quem "LAETUM" cuncti voce una nomine dicunt  
Viribus atque ingens tinctus fuligine nigro.  
Vere laetificans cunctos dulcedine replens...  
En turbam pugilum magnus tremor occupat omnem.....  
Quosdam percutit huc.... quosdam illic conterir humi,  
(Vixque supersters sistit sospes et integer ullus);  
Hujus erat facies et parvo discrimine tauri,  
Qui "TATI" foemur olim contrivit inique....  
Consimilis tauro qui "FABRILCO" ire sub umbras  
Fecit et incidit sub acerbo vulnere vitam.....  
PERDIGONI aequalis qui olim perdidit Arti  
"ESPARTERUM", cujus fama ad sidera crevit.....  
.....  
Ecce eques hastatus magnos ambire triumphon  
Audax exit equum saevis calcaribus urgens,  
Obvius est tauro immitis cuspidis hasta  
"LAETTI" ardet lacerate et ferro verbere terga.  
? Quo fera coeca ruit?...? quo?... formidable visu....  
Temporis ictu ambos saevo mucrone trucidat.....  
.....



Certatim ingenti celebrat plebecula plausu.....

Maxima equo tribuit plebs praemia justa laborum;....

Dum pugilum invalidis membris dat cura quietem

Splendida turbant amphiteatri scandala plebis.....

Sic magnatorum series, ejus honoris oblita,

Nimpharumque chori ut delapsae ex aethere divae

Raucarum vocum omnes murmure talia fantur:

"Nunc veniant pugiles, surgant equitumque phalanges

"En taurus tanti mensuram nominis implens,

"Cui nullus feret ipsorum certamina pugnae;

"Exeat hic moderator ludorumque Magister.....

"Ambo munus equi fungantur, supplice plebe

"Imbelles pugiles... oh gens inimica laboris,

"Nobilis inscia et Artis taurini, incumbere honori

"Nescit, sunt simul omnes vero decore carentes,

"Et mulierculae honores vana laude merentur...

"Audebuntque laboris lucrum quaerere?... Certe...

"Tantane vos generis tenuit fidutia vestri?...

"Heu timidi... quorum pedibus timor addidit alas

"Heu timidi... quos taurus dare terga coegit.....

"Quis dubitet?... praeses fuit omnis causa malorum...

"Cur pugiles cunctos damnari posse negabat?

"? Cur equites cunctos non ausit carceris antrum?...

"Si nunc gens pugilum prisca intumulata sepulcro

"Surgeret,... heu.... certe rursus moritura rubore....

.....



Tandem " Laetus" praeceps cuncta obstacula rumpens  
Aufugit é circo laetans urbemque reliquit  
Montibus errare ipsumque herbas pascere cernes.

.....


T A U R U S 3°

"AGNICULUS"


"Tertius adsit Taurus" (plebes vocibus urget)  
"Et Dominus TANCREDUS", gratus somnifer, adsit"....

.....


Hic sonitus vocis turbarum murmura sedit  
Novus surgit inoffensus pugilator arena,  
(Phidiacee Artis simulata é marmore imago,)  
Quem splendens niveus vestit sine labe amictus,  
(Est medio Circi florentibus ara coronis)  
Nunc videas TANCREDUM immotum sistere supra...  
Plebs silet omnis nunc voce arescente palato.  
Custos limina cryptae verso cardine torquet.  
Prosilitque "AGNICULUS" densa in caligine pulvis  
(Cujus origo praeclari taurorum armenta MIURAE)  
En furit intus, lustrat circum iraque retenta  
Sistit arena Taurus imaginis inspicit astum  
Exardet, terram pede concutit, infremit ira.....  
Et veluti saxum turris de culmine praeceps  
Fertur in illum omnem Circum mugitibus implens  
ROBORIS et REGEM cornu transverberat ictu...  
Circum omnes incedere en una voce precantur,  
ROBORIS ET REGINAM, tanto munere fungi  
Primi ut Somniferi partes implere conetur.  
Donna en TANCREDA illibata et virgo pudica



In modium amphitheatri sese laeta ferebat,  
Alternis vicibus cunctis dans verba salutis,  
Fert splendentes auri vestes murice tinctas  
Atque modis taurinis queis non ditior alter....  
Cernitur aram dulcis virgo sistere supra.....  
Conticuere omnes, turbarumque ora quierunt,  
Nec penes accipiunt adstantes naribus auram  
Turbaque ad aram oculis semper vigilantibus haeret.....  
Taurus lustrat circum implens mugitibus aether  
Nec tantae statuae summum decus aspicit... ecce  
Irruit... atque puellam cornu verbere tundit...  
Intemeratus sanguis; proh dolor... ungit arenam....  
.....  
Nunc pugilator deficit huc, qui nómine "COSTRA"  
MUS illuc lacrymas verba inter singula fundit  
CURRUS et URSUS, quos premit ardor visque doloris  
In mortem pro "TANCREDAE" se ardore parabant  
Ore vocantes, quam crudelis caederat hostis.  
.....  
Magna fervet cunctorumque cupidine pectus  
Et veluti abruptis fremit Euro fluctibus aequor,  
ROBORIS hanc REGINAM omnesque videre feruntur....  
.....  
Agniculi que ingens celebrat plebecula factum  
Tunc plebis rebeat Circus clamoribus omnis  
Et rauco pópuli verbo Urbis personat aether  
Aere saxorum tempestas pervolat atra,  
Urceus huc, paterae illuc, cistaque turbinis instar,



Innumeri baculi jactantur, framina testae;  
Cunctae turbantur magnis clamoribus aures  
Vocum turbidus imber rumpens fraena pudoris;  
Et pugiles plebecula scurra voce lacessat,  
Faemina dificit huc subito vexata dolore,  
Alterius lacrymis oculi rorantur obortis,  
Laesos antri umbras pugiles equitosque latescunt  
Custodes vigiles et viribus ensis adacti,  
Ex humeris capita auferre alta voce minantur.  
Dicere, taurum jungi armentis, quilibet audet....  
Alter, morti tradi, arcu lethalis sagittae.  
Qui pretium ingressus circi dare posse negarunt  
Plenis hi buccis sua, jure omni, aera petebant.  
"Nullum fallere tentent, pauperis aera furando"  
"Exeat hic praeses"..... praefantur murmure multi;  
"Agniculum audeat... eja... occidere -- tollat et ensem....  
Vocibus en clamat festaeque quietis amator  
"Gratus crit cunctis festivo tempore cursus  
"Si celebretur, mundi cunectarum ilclyta rorum"  
"Sanctius hoc, nunquid, subditque, videbimus unquam ?  
"Sint pugiles horrendi funeris absque timore  
"Nobili et Arte calentes.... summum gaudium Iberum.....  
Altera conveniat turma et felicior ulla...  
Tres reliquos fulmen coeleste interimat... Hercle...  
Nox ruit et terram namque amplexabitur umbra  
"Dicere... ave... libeatque ad nostra redire coacti.....



Sed prius et copae pergemus visere tecta,  
Atque sitim generoso extinguere nectare vitis  
Vidimus haec taurini Martis magna trophaea....

.....  
.....  
.....  
.....

Grandior esse cupit si certé Hispanica Tellus  
Fausto tempore semper ab omni parte beata,  
Tellus, cui vultum servet fortuna benignum.....

Attonitis pareant terris spectacula Circi.....

Purpureus sanguis vane fundatur arena,  
Sint pluris pugilum, et parvi portenta sophorum,  
Solvatur populi magni tam dira cupido:


"Panem et Circenses ardentem quaerimus omnes"


"Atque Scholarum comentum dissolvere inane"...

Finis

*Hieronymus Cordoba*  
*Schol. Piar.*  
*Hispali-1907.*







i29551018



UNIVERSIDAD DE SEVILLA



600987090

